

BAB V

PAMICUTET

5.1 Tetingkesan

Sajeroning ringkesan ring tetilikan puniki kabahbahang indik 1) bantang pikobet, 2) tetujon tetilikan, 3) kawigunan tetilikan, 4) *teori* sane kanggen, miwah 5) kramaning tetilikan.

- 1) Bantang pikobet ring tetilikan puniki ngenenin indik *lema* sane sampun kapolihang saking kamus maaksara Bali-Latin.
- 2) Tetujon tetilikan puniki inggih punika mangda prasida nlatarang indik rupa saking *blok* aksara Bali, wangun dasar pawangun *blok* aksara Bali, saha genah sesuratan wangun dasar pawangun *blok* aksara Bali.
- 3) Kawigunan tetilikan inggih punika kaaptiang mawiguna ring sajeroning kaweruhan indik tata sesuratan aksara Bali utamanyane ngaryanin sesuratan *lema* dasar maaksara Bali sane pacang kaselehin indik rupa *blok* aksara, wangun dasar, miwah genah wangun dasar pawangun aksaranyane. Taler majeng ring pangwacen kamus, majeng ring sisia, majeng ring guru, saha majeng ring parikrama Bali mangda uning kawentenan indik tata sesuratan aksara Bali, taler kaaptiang mangda prasida ngwacen

aksara Bali miwah nyurat aksara Bali nenten karasayang meweh malih.

- 4) *Teori* sane kanggen sajeroning tetilikan puniki inggih punika *teori grafolinguistik* utamanyane *teori grafetis* miwah *teori grafematis*.
- 5) Kramaning tetilikan puniki nganggen tetilikan deskriptif *kualitatif* miwah kramaning *observasi* miwah kramaning *focus group discussion*.
- 6) Pikolih tetilikan inggih punika marupa kamus maaksara Bali-Latin punika kasusun antuk 16.162 *lema*. *Data* sane sampun kapolihang ring tetilikan puniki ngenenin indik (1) seseleh *blok* aksara Bali, (2) seseleh wangun dasar pawangun *blok* aksara Bali, miwah (3) seseleh genah sesuratan wangun dasar pawangun *blok* aksara Bali. Kadasarin antuk aksara sane kakawitin *lema* punika prasida kapolihang marupa akeh saking soang-soang pahan-pahan *blok* aksara, wangun dasar, genah pawangun dasar aksara Bali. Saking *blok*, sane kawangun antuk 1 ngantos 6 *blok*. Saking wangun dasar sane karereh nganutin aksara wreastra, aksara swalalita, pangangge aksara, aksara suara dirgha, miwah pangangge ardasuara. Saking genah sesuratan wangun dasar, karereh aksaranyane inggih punika ring puser, ring sor, ring luhur, ring kiwa lan tengen, ring kiwa, miwah ring tengen.


5.2 Pamicutet

Sajeroning pikolih miwah tetepasan sane kabahbahang ring ajeng, prasida katingkesin sakadi ring sor.

- 1) *Blok* aksara Bali sane kaselehin sajeroning *lema* maaksara Bali sane kasusun antuk 1 *blok* aksara akehnyane punika kapolihang 230 aksara, sakadi *lema* sajeroning kamus punika ‘a’, ‘ah’, ‘ang’, msl. Sane kasusun antuk 2 *blok* aksara akehnyane punika kapolihang 6416 aksara, sakadi *lema* sajeroning kamus punika ‘aang’, ‘aba’, ‘api’, msl. Sane kasusun antuk 3 *blok* aksara akehnyane punika kapolihang 8071 aksara, sakadi *lema* sajeroning kamus punika ‘aas’, ‘abad’, ‘carik’, msl. Sane kasusun antuk 4 *blok* aksara akehnyane punika kapolihang 1305 aksara, sakadi *lema* sajeroning kamus punika ‘abar-abar’, ‘abinaya’, ‘abogari’, msl. Sane kasusun antuk 5 *blok* aksara akehnyane punika kapolihang 240 aksara, sakadi *lema* sajeroning kamus punika ‘administrasi’, ‘alin-alin’, ‘amel-amel’, msl. Taler sane kasusun antuk 6 *blok* aksara akehnyane punika kapolihang 15 aksara manten, sakadi *lema* sajeroning kamus punika ‘ajumandirana’, ‘agamiagamana’, ‘awujjiwati’, msl.
- 2) Wangun dasar sane kaselehin inggih punika soang-soang *lema* kapolihang wangun dasarnyane nganutin aksara wreastra, aksara swalalita, pangangge aksara, aksara suara dirgha, miwah aksara ra repa miwah la lenga, pinih akeh kapolihang inggih

punika sajeroning ngrereh aksara wreastra santukan aksara wreastra punika kautaman sajeroning nyurat kruna saking *lema* punika. Indik sesuratan punika kapolihang aksara sane nganutin uger-uger pasang aksara Bali inggih punika samian wenten kacunduk nganggen aksara swalalita ring soang-soang *lema*.

- 3) Genah sesuratan wangun dasar sane kaselehin inggih punika sane kapertama saking genahnyane ring puser kapolihang wenten 45.850 aksara, sane kaping kalih sane genahnyane ring sor kapolihang wenten 3.843 aksara, sane kaping tiga sane genahnyane ring luhur kapolihang wenten 9.346 aksara, sane kaping pat sane genahnyane ring kiwa lan tengen kapolihang wenten 3.343 aksara, sane kaping lima sane genahnyane ring kiwa kapolihang wenten 4.582 aksara, taler sane kaping utat sane genahnyane ring tengen kapolihang wenten 9.607 aksara.



5.3 Piteket

Malarapan antuk pikolih sane sampun kabahbahang ring ajeng, wenten piteket-piteket sane pacang kabahbahang ring sor.

- 5.3.1 Sumangdena prasida kauningin kawentenan *blok* aksara Bali, wangun dasar, miwah genah sesuratan wangun dasar pawangun *blok* aksara Bali sane wenten ring *lema* kamus maaksara Bali-Latin.
- 5.3.2 Sumangdena prasida kamargiang ngwacen miwah nyuratang aksara Bali sane karasayang elah, nenten sukeh malih.